

Ro Mataana Kana Ta Yoan Ibeede

Ni tau ikam mbotjana ta ki Anutu i piti

¹ Sua tau imbotmbot ta mata popoten mi imar, ta amzzo pa. Sua tana iswe Ni tau ikam mbotjana ta ki Anutu i piti. Ni niamjan ambotmbot, mi amlen kat kaljaana, amre kat mbulu kini pa motoyam, mi amteegi pa nomoyam.✧

² Tana mbotjana mata yaryaraanana katuunu, ta ipet mat mi niam amre i kek. Ni ziru Tamaana timbotmbot ta munju mi imar. Mi ni ipet mat ma amre i, tanata amzzoyaryaara uruunu piom mi ampombolmbol sua kini.✧

³ Tana koron ta niam amre mi amlen kat, ta amzzoyaryaara piom, bekena niom tomini kagaaba yam mi itijan taparlup ti. Naso itijan Tamanda Anutu tulup ti ma tewe tamen.✧

⁴ Sua ti, ambeede ima piom, bekena itijan lelede ambai ma ambai kat.✧

Tapa pai kiti pa mat lelene

⁵ Sua ta amlen la kini, ta amzzoyaryaara piom. Sua ta kembei: Anutu, ni mat katuunu. Tana zugut sa irao be igaabi na som.✧

⁶ Tana iti sombe toso itijan Anutu taparlup ti, mi tamen takamam zugut ka mbulu, ina tapakaam mi tototo sua nonono som.✧

✧ **1:1:** Lu 1:2, 24:39; Yo 1:1-14, 20:27; 2Pe 1:16 ✧ **1:2:** Yo 21:24

✧ **1:3:** Yo 17:21 ✧ **1:4:** Yo 15:11 ✧ **1:5:** Yo 1:9; 2Kor 6:14+; 1Tim 6:16; Yems 1:17 ✧ **1:6:** 1Yo 2:9

⁷ Mi sombe tapa pai kiti pa mat leleene kembei ta Yesu, inako taparlup ti ma tewe tamen, mi Anutu Lutuunu Yesu sinjiini ipus ti pa sanaana kiti ta boozomen ma tenjgeeze kat.✠

Tawatkaala sanaana kiti pepe

⁸ Iti sombe toso sanaana sa imbot la lelede som, mi lelede injeeze men, na tapakaam itundu, mi sua njoonoo imbot la lelede som.✠

⁹ Mi sombe teswe sanaana kiti, mi tezem, na irao tapase pa Anutu be ito sua kini mbuknana mi ireege piti, mibe ipus ti pa sanaana kiti ta boozomen ma tenjgeeze. Mi ni iso ikam ta kembei, ina indeenje men.✠

¹⁰ Tana iti sombe toso takam sanaana sa som, na sua ki Anutu imbot la lelede som, mi iswe kembei tere Anutu sua kini kembei sua pakaamnana.

2

Krisi imender piti

¹ O lutujan, sua ti, nio anbeede piom, bekenamotoyom ingal ituyom. Kokena kotop pa sanaana. Tamen sombe tomtom tasa itop pa sanaana, na itilende tomtom ndeenenana ta imendernder piti, mi izzo sua kiti ila ki Tamanda Anutu. Ni Yesu Krisi.✠

² Ni itunu imeete bekenam ireege sanaana kiti mi ikoto Anutu kete malmalnana kini. Mi uraata kini tana, ni ikam piti men som. Ikam pa wal boozomen ta timbot toono na. ✠

✠ **1:7:** Ibr 9:14; 1Pe 1:19; 1Yo 2:9+; Tur 7:14 ✠ **1:8:** Ro 3:9-23

✠ **1:9:** Mbo 32:5, 51:2; Ro 3:26; Yems 5:16 ✠ **2:1:** Ro 8:34; 1Tim 2:5; Ibr 7:25, 9:24 ✠ **2:2:** Yo 1:29, 11:52; Ro 3:23+, 5:18

Matanda inggal be toto tutu ki Krisi

³ Iti sombe tototo Krisi tutu kini, na iswe kembei iti tuute i. ✧

⁴ Mi sombe tomtom sa isombe ni iute Krisi, mi tamen itoto tutu kini som, na mbulu kini tina iswe i kembei ni tomtom pakaamɲana, mi sua ɲonoono imbot la leleene som.

⁵ Pa bela tototo sua ki Krisi, to mbulu ki Anutu ta ni iur leleene piti i, iur ɲonoono. Tana iti sombe takamam ta kembei, na iti tuute: Tewe Krisi lene, mi tesekap la kini kek. ✧

⁶ Tana sombe tomtom sa iso ni iwe Krisi lene mi isekap la kini, na bela ipa pai kini ma kembei ta Krisi itunu. ✧

Tuur lelende pizin tomtom

⁷ O niom wal tio, nio inɲi anbeede tutu popoɲana piom som. Pa indeeɲe ta kuurla mata popoten mi imar na, niom kuute tutu ti. Pa tutu muɲɲana ti imbot la sua ta tizzo piom mi kelenɲ kek na. ✧

⁸ Tamen tutu inɲi, inɲi popoɲana tomini. Pa ka mbulu ɲonoono tau tere ise ki Krisi mi iwedet piom i tomini. Pa inɲi zugut ikamam be imap. Mi mat ɲonoono tau iyaryaara i. ✧

⁹ Sombe tomtom sa iso ni imbotmbot la mat leleene, mi tamen iurur koi pa toɲmatiziɲ sa ta ki Krisi i, ina ni imbot mat leleene som. Ni imbotmbot zugut leleene men. ✧

¹⁰ Mi tomtom ta sombe iurur leleene pizin tomtom, na ni imbotmbot la mat leleene. Tomtom ta kembei na, iti tuute: Ni ko ikam mbulu sa tabe

✧ **2:3:** Yo 13:34+, 14:21, 15:12 ✧ **2:5:** Yo 14:21,23 ✧ **2:6:** Mt 11:29; Yo 13:15, 15:4+; 1Pe 2:21 ✧ **2:7:** Yo 13:34+, 15:12 ✧ **2:8:** Yo 1:9, 8:12; Ro 13:12; Ep 5:8; 1Tes 5:5,8 ✧ **2:9:** 1Kor 13:2; 2Pe 1:7+

ikam tomtom toro ma itop pa sanaana i na som.

✧

11 Tamen tomtom ta sombe iurur koi pa tonmatizij sa ta ki Krisi i, na ni imbotmbot zugut leleene men. Tana ni iwwa lela zugut leleene, mi ikankaana pa zaala tabe ila pa i. Pa zugut izuk mataana kek. ✧

Tombot molo pa koronj toono kan

12 O lutujan, sua ti, inji anbeede piom paso, Tamanda Anutu ireege sanaana tiom pa Yesu Krisi zaana ma ila lene kek. ✧

13 Mi niom kolman na, anbeede sua ti ima piom paso, Ni tau imbotmbot ta mata popoten mi imar na, niom kuute i kek. Mi niom nanjan poponoyom na, anbeede sua ti ima piom paso, niomjan Tomtom Sanaana koporou ma kilip pini kek.

Lutujan, nio anbeede sua ti ima piom paso, niom kuute Tamanda Anutu kek.

14 Mi niom kolman na, anbeede sua ti ima piom paso, Ni ta imbotmbot ta mata popoten mi imar na, niom kuute i kek. Mi niom nanjan poponoyom na, anbeede sua ti ima piom paso, niom kemendernder mboljana, mi sua ki Anutu imbol la leleyom, mi niomjan Tomtom Sanaana koporou ma kilip pini kek. ✧

15 Toono ti ramaki ka mburu mi mbulu na, kuur leleyom pa pepe. Pa sombe tomtom sa iurur leleene pa koronj toono kan, inako iurur leleene ila ki Tamanda Anutu som. ✧

✧ **2:10:** Ro 14:13 ✧ **2:11:** Yo 11:10, 12:35; 1Yo 1:5 ✧ **2:12:** Lu 24:47; Ngo 4:12, 10:43 ✧ **2:14:** Ep 6:10 ✧ **2:15:** Mt 6:24; Ro 12:2; Yems 4:4

16 Mbulu toono kana na, iti tuute kek: Nindi zze pa koronj kulindi kana, matanda berber pa koronj matakiŋa, mi tapase pa itundu mburanda mi tapakurkur itundu. Mbulu boozomen ta kembei imar pa Tamanda Anutu som. Ina mbulu toono kana men. ✧

17 Mi iti tuute: Toono ti ramaki ka mbulu ta tomtom nin zze pa i, ina kola imap. Tamen tomtom ta sombe itoto Anutu leleene, na ni ko imbot ma alok. ✧

Krisi ka koi bizin

18 Lutunjan, kere yom! Pa inŋi mazwaana kaimer kana kek. Muŋgu tiso yom pa sua ta kembei. Tiso: “Kaimer ko Yesu ka koi * sa ipet.” Mi buri taiŋgi boozomen ta tipet kek. Tana iti tuute: Inŋi mazwaana kaimer kana ipet kek. ✧

19 Wal tana, muŋgu tigabgaaba iti, mi itiŋan tuluplup ti ma tomtombot la mbata. Mi inŋi tizem lupŋana kiti kek. Tana ko muŋgu iti gaabaŋanda ŋonoono zin som. Pa kena so tizem ti som, mi itiŋan tomtombot men lak. Mi inŋi som. Tana tere iti. Pa mbulu kizin tana iswe kembei wal pakan ta timbotmbot la lupŋana kiti leleene na, gaabaŋanda ŋonoono som. ✧

20 Tamen niom na, Ni ta Potomŋana na, ikam Bubunjana mburaana ma isalakaala yom kek. Mi niom ta boozomen kuute sua ŋonoono. ✧

✧ **2:16:** Ro 13:14; Yems 4:16; 1Pe 2:11 ✧ **2:17:** Mbo 15:5; Mt 7:24; 1Kor 7:31; Yems 1:10+ * **2:18:** Yesu ka koi ti, Grik kalŋan tipaata tisombe “Antikrais.” ✧ **2:18:** Mt 24:5,24; 2Tes 2:3; 1Tim 4:1; 2Pe 2:1; 1Yo 4:3 ✧ **2:19:** Mbo 41:9; Nŋo 20:30 ✧ **2:20:** 1Kor 2:15; 2Kor 1:21; Ep 1:13

21 Kokena kakam ngar kembei nio anso niom kakankaana pa sua nionoono, tanata anbeede sua ti ima. Na som. Sua nionoono, ina niom kuute kek. Mi sua tana irao ipiyooto sua pakaamnjana sa som. ✧

22 Mi asinj ta izzo sua pakaamnjana? Ina ni ta iurla ki Yesu som, mi izzo Yesu ni Mesia som. Tomtom ta kembei, ni iwe Krisi ka koi. Mi tomtom ta sombe iurla ki Krisi som, na ni iurla ki Tamaana som tomini. ✧

23 Pa tomtom ta sombe iurla ki Lutuunu som, na Tamaana tomini ko imbotmbot raami som. Tamen tomtom ta sombe iswe urlanjana kini ila iwal matan kembei ni iurla ki Lutuunu, ina Tamaana ko imbotmbot raami tomini. ✧

24 Tana sua nionoono tau tiso piom ta mata popoten mi imar na, motoyom ingal be kikiskis ma imbol la leleyom. Naso kesekap la ki Tamanda Anutu ziru Lutuunu ma kombotmbot. ✧

25 Mi ina mbotnjana ki Anutu ta iseenge iseenge ma ila. Munju Yesu itunu imbuk sua be ikam lende mbotnjana ta kembei. ✧

26 Sua ti, nio anbeede piom paso, ansombe ansope yom pizin wal tau tikamam be tipandelndel yom i.

27 Mi niom na, kakam Bubunjana mburaana ma isalakaala yom kek. Mi mburaana tana imbotmbot raama yom men i. Tana zin wal ta tiserseere be tipaute yom na, len uraata sa piom som. Pa Bubunjana itunu ko ipaute yom pa koronj ta boozomen. Bubunjana tana koronj nionoono. Pakaamnjana sa som. Tana ngar ta so Bubunjana

✧ **2:21:** Ro 15:14 ✧ **2:22:** 1Yo 4:3 ✧ **2:23:** Yo 5:23, 14:7+, 15:23; 1Yo 4:15, 5:1; 2Yo 9 ✧ **2:24:** Yo 14:23 ✧ **2:25:** Yo 6:40, 17:3; 1Yo 5:11

ipaute yom pa na, motoyom ingal be kikiskis. Naso kesekap la ki Krisi ma kombotmbot. ✧

²⁸ O lutujan, motoyom ingal be kesekap la ki Krisi ma kombotmbot. Beso ni imiili ma imar mini, na iti ko tomoto i som, kanda miaj som, mi toko pini som. Ko nindi se, mi temender la kereene uunu raama lelende ambai. ✧

²⁹ Iti tuute: Krisi, ni tomtom ndeeņeņana. Tana tomtom ta sombe ikamam mbulu ndeeņeņana men na, tuute: Ni, Anutu ikami ma iwe popoņana mi iwe ni lutuunu kek. ✧

3

Anutu lutuunu bizin ko tipa ki Taman

¹ Kere. Tamanda Anutu, ni leleene piti ilip kat. Pa ipaata iti be itunu lutuunu bizin. Mi sua tina, ŋonoono kat. Ni lutuunu bizin ta iti. Tamen wal toono kan tikilaala kat iti som. Paso, tiute Anutu som. ✧

² O niom wal tio, koozi iti tewe Anutu lutuunu bizin kek. Mi kaimer ko tewe pareiņanda, ina takankaana pa. Pa Anutu iswe piti zen. Tamen iti tuute: Kaimer sombe Krisi iswe itunu ma imbot mat, mi tere kati, nako tewe kembei ta ni itunu. ✧

³ Mi wal boozomen ta so tiurur matan pa mbulu tana be ipet, inako tiurpewe zitun be lenen mi mbulu kizin ingeeze kembei ni itunu. ✧

⁴ Wal boozomen ta sombe tikamam sanaana, ina timololo Anutu tutu kini. Pa sombe tomolo Anutu tutu kini, na takam sanaana.

✧ **2:27:** Yo 14:26, 16:13+; 1Kor 2:10; Ibr 8:10+ ✧ **2:28:** Mk 8:38; 1Yo 4:17 ✧ **2:29:** Yo 1:12+, 3:3+; Tit 3:5; 1Yo 3:7,9+ ✧ **3:1:** Yo 1:12, 3:16, 16:2+; Ro 8:16 ✧ **3:2:** Mt 5:8; Ro 8:29; 1Kor 15:49; 2Kor 3:18; 2Pe 1:4 ✧ **3:3:** 2Kor 7:1; 1Pe 1:15

⁵ Mi iti tuute: Krisi, ni isu toono bekena ipambiriizi sanaana ma ila lene. Mi ni itunu le sanaana sa som.✧

⁶ Tana tomtom ta sombe isekap la kini, inako irao inoknok sanaana kamjana mini som. Mi sombe tomtom sa inoknok sanaana kamjana, na ni ikilaala Krisi som, mi iute i som.✧

⁷ Lutujan, kere. Kokena tomtom sa ipandelndel yom. Tomtom ta sombe ikamam mbulu ndeenjana, ta iwe tomtom ndeenjana pa Anutu mataana. Kembei Krisi itunu.✧

⁸ Mi sombe tomtom sa inoknok sanaana kamjana, na ni tomtom ki Sadan. Paso, indeeje ta mata popoten mi imar na, Sadan inoknok sanaana kamjana. Tamen Anutu Lutuunu, ni isu toono bekena ireege Sadan uraata kini.✧

⁹ Tana tomtom ta sombe Anutu ikami ma iwe popojana mi iwe ni lutuunu kek, inako inoknok sanaana kamjana mini som. Ni ko ipa ki Anutu. Pa Anutu koronj kini imbotmbot la leleene. Tana ni ko irao inoknok sanaana kamjana mini na som. Pa Anutu ikami ma iwe popojana kek.✧

¹⁰ Tana iti irao tikilaala Anutu lutuunu bizin mi Sadan lutuunu bizin ta kembei: Sombe tomtom sa ikamam mbulu ndeenjana som, na ni Anutu lutuunu som. Mi sombe tomtom sa iurur leleene pizin tonmatizinj ta ki Krisi i som, ina ni tomini Anutu lutuunu som.✧

Lelende par piti

✧ **3:5:** Yesa 53:4+; Yo 1:29; 2Kor 5:21; Ibr 4:15; 1Pe 2:22+ ✧ **3:6:** Ro 6:1-14; 1Yo 2:4 ✧ **3:7:** Ro 2:13; Ep 5:6; 1Yo 2:29 ✧ **3:8:** Un 3:15; Yo 8:44, 16:11; Ibr 2:14 ✧ **3:9:** Yo 1:13, 3:3+; Ibr 8:10; 1Pe 1:23; 1Yo 5:18 ✧ **3:10:** Mt 13:38+; 1Yo 2:29, 4:8

11 Pa indeenje ta kuurla mata popoten mi imar na, kelenj sua ta kembei: Iti bela tuur lelende par piti.✧

12 Tana kere yom: Kokena kakam mbulu kembei ta Kain. Pa ni, Tomtom Sanaana ikami ma iwe lene, to imanja mi ipun sorok tiziini Abel ma imeete. Mi ipuni ma imeete pa so uunu i? Ni itunu ikamam mbulu sananja, mi tiziini na, ikamam mbulu ndeenejana.✧

13 Tana niom tonmatizij tio, sombe wal toono kan tiurur koi piom, na kakam ngar boozo pa pepe.✧

14-15 Iti tuute: Iti tombot la zaala ki meetejana mini som. Ingi tototo zaala toro tabe tombot ambai pa ma alok. Paso, tu'urur lelende pizin tonmatizij ki Krisi. Mi tomtom ta sombe iurur koi pizin tonmatizij kini ta ki Krisi i, na ni imbotmbot men la zaala ki meetejana. Pa tomtom ta kem-bena, Anutu ire i ma raraate kembei ta tomtom ta ipun tomtom toro ma imeete. Mi niom kuute: Tomtom ta so ipun tomtom toro ma imeete, na ni ikam mbotjana ta ki Anutu i som.✧

16 Indeeje Yesu Krisi ikam murindi, mi izem itunu ma imeete piti na, iswe kat mbulu kini ta iurur leleene piti. Tana iti tomini bela takam mbulu raraate men, mi tezem itundu mi koronj kiti pizin tonmatizij kiti ta ki Krisi i.✧

17 Tana iti sombe tarao pa koronj ta ki toono ti, mi sombe tere tonmatizij kiti pakan tau timbot njoobo,

✧ **3:11:** Yo 13:34, 15:12; 1Tes 4:9 ✧ **3:12:** Un 4:8; Ibr 11:4 ✧ **3:13:** Mt 5:11+; Yo 15:18+, 17:14; 2Tim 3:12 ✧ **3:14-15:** Mt 5:21+; Yo 5:24; Ga 5:19+; Tur 21:8 ✧ **3:16:** Yo 3:16, 15:13; Ro 5:8; Ga 1:4; Ep 5:2,25

mi tamen tu'uulu zin som, inako mbulu ki tuur lelende pa Anutu mi zin tomtom imbot la lelende be parei? Som.✠

¹⁸ Lutujan, kere. Kokena tozzo sorok ma toso iti tuur lelende pizin tomtom, mi tamen takamam ka mbulu som. Pa sombe takam ta kembei, na takam pakaamjana biibi. Bela takam ka mbulu tomini, tona sua kiti iwe koronj nonoono.✠

Koronj pakan tabe ipombol ti ma tomoto Anutu mini som

¹⁹⁻²⁰ Tana iti tuur lelende pizin tomtom. Naso iuulu iti be tomoto Anutu mini som. Mi iswe kembei sua nonoono imbol la lelende. Mazwaana pakan, iti tayamaana la lelende kembei mbulu kiti irao pa Anutu mataana som. Ina nonoono. Tamen Anutu, mujanjana kini ilip, mi ni iute koronj ta boozomen. Sombe takam ngar pa koronj ru taiŋgi, nako tomoto be tala koloujana pini som.✠

²¹ O niom wal tio, sombe tayamaana la lelende kembei koronj sa iwe mbukuunu piti mi Anutu som, inako tomoto be tala koloujana pini som.✠

²² Mi sombe tusuji pa koronj sa, na ni kola ikam piti. Paso, iti tototo ni leleene mi tutu kini tau.✠

²³ Mi tutu kini ta ti: Iti bela tuurla ki Lutuuunu Yesu Krisi, mi tuur lelende par piti kembei ta Yesu iso piti pa na.✠

²⁴ Tomtom ta sombe itoto tutu kini tana, na ni ziru Krisi ko tiparlup zin ma tiwe tamen. Mi

✠ **3:17:** Lu 3:11; Yems 2:15+ ✠ **3:18:** Yems 2:14-22; 1Pe 1:22

✠ **3:19-20:** Mbo 139:1+ ✠ **3:21:** Ro 5:1; Ibr 4:16, 10:22 ✠ **3:22:** Mbo 34:15, 145:18; Mt 7:7+, 21:22; Yo 9:31, 14:13 ✠ **3:23:** Yo 6:29, 13:34; 1Pe 4:8

Bubuḡana ta Kriši ikam piti i, ko ikam ti ma tiki-laala kembei Kriši, ni imbotmbot raama iti.✧

4

Bubuḡana ta imar pa Anutu mi bubuḡana sananḡana

¹ O niom wal tio, kere yom. Kokena kakan la sorok sua kizin wal boozomen tau tima mi tiso piom ma tisombe: “Niam ti, Bubuḡana ta ikamam peeze piam.” Bela kitiiri kat zin muḡgu, tona kikilaala zin mi kuute: Zin, Anutu inḡo zin ma tima, o som? Nio aḡso paso, wal boozo kat ta tiwwa pa toono, mi tipakamkaam ma tizzo sorok kembei zin Anutu kwoono bizin. ✧

² Mi Bubuḡana ta imar pa Anutu na, niom karao be kikilaala uraata kini ta kembei: Wal boozomen ta tiso raama lelen: “Yesu Kriši, ni isu toono ma iwe tomtom,” ina zin tikam Bubuḡana ta ki Anutu i. ✧

³ Mi zin wal ta sombe tiyok pa sua tana som, na zin tikam bubuḡana toro tau imar pa Yesu ka koi tau. Bubuḡana tana, ta muḡgu tisotaara yom pini, mi inḡi ni imar ipet kek. ✧

⁴ O lutuḡan, Anutu wal kini ta niom na. Mi niom kokoto wal pakamkaamḡan tana ma kilip pizin kek. Pa Bubuḡana ta imbotmbot la niom leleyom na, mburaana ilip pa bubuḡana tau izeebe zin wal toono kan. ✧

⁵ Wal tana, mbulu mi sua kizin iswe zin kembei zin titoto ḡgar ki toono men. Tanata zin wal ta

✧ **3:24:** Yo 14:23, 15:10; Ro 8:9; 1Yo 4:12+ ✧ **4:1:** Mt 7:15, 24:24; 1Kor 14:29; 1Tes 5:21; 2Yo 7; Tur 2:2 ✧ **4:2:** 1Kor 12:3; 1Yo 5:1 ✧ **4:3:** 2Tes 2:7; 1Yo 2:18, 2:22; 2Yo 7 ✧ **4:4:** Yo 16:33; 1Yo 5:4+

tikamam ngar ki toono na, lelen be tilenlen la sua kizin. ☆

⁶ Mi niam ngonjana ki Krisi na, Anutu ta ingo yam. Tana tomtom ta so iute Anutu, nako ilenlen la sua tiam. Mi zin wal ta so tiute i som, nako tilenlen la sua tiam som. Ina zaala tabe tikilaala uraata ki Bubunana ta imar pa Anutu mi ipiyotyooto sua nonoona na, mi uraata ki bubunana sananana ta ipandelndel zin tomtom na. ☆

Iti bela tuur lelede pizin tomtom

⁷ O niom wal tio, iti ta boozomen bela tuur lelede par piti. Pa ina Anutu mbulu kini nonoona. Tana tomtom ta sombe iurur leleene pizin tomtom, ina Anutu ikami ma iwe poponana mi iwe ni lutuunu kek. Mi ni iute kat Anutu.

⁸ Mi sombe tomtom sa iurur leleene pizin tomtom som, na ni iute Anutu som. Pa mbulu ki tuur lelede pizin tomtom, ina Anutu mbulu kini nonoona.

⁹ Indeeje ta Anutu ingo Lutuunu tamenana ma isu toono ti bekeni iwe zaala piti ma takam mbotjana ki Anutu na, Anutu iswe kat mbulu kini ta iurur leleene piti na. ☆

¹⁰ Mbulu ki tuur lelede pa Anutu, ina ambai. Tamen iti takam kat som. Mi Anutu na, ni iurur kat leleene piti. Kere. Ni leleene isaana piti, mi ingo itunu Lutuunu ma isu toono, bekeni ikam murindi mi imeete pa sanaana kiti. ☆

☆ **4:5:** Yo 3:31, 15:19 ☆ **4:6:** Yo 8:47, 10:26+ ☆ **4:9:** Yo 3:16; Ro 5:8, 8:32 ☆ **4:10:** Yo 15:16; Ro 3:24; Tit 3:4+; 1Yo 2:2

11 O niom wal tio, sombe Anutu iur leleene piti ta kembei, na iti tomini, bela tuur leleende par piti.

✧

12 Nonoono, tomtom sa ire kat Anutu pasa zen. Tamen sombe tu'urur kat leleende par piti, ina iswe kembei Anutu imbotmbot raama iti, mi mbulu kini ta iur leleene piti na, iur nonoono piti kek. ✧

13 Iti tuute: Itiŋan Anutu taparlup ma tombotmbot. Paso, ni ikam Bubunana piti kek. ✧

14 Tamanda Anutu, ni inŋo Lutuunu ma isu bekena iwe ulaŋa piti tomtom ta tombotmbot toono ti. Mi niam ti, amre kat uraata kini tana, mi amkilaala ka uunu. Tanata ampombolmbol ka sua.

15 Tana sombe tomtom sa iswe urlaŋana kini ila iwal matan ma iso “Yesu, ni Anutu Lutuunu nonoono,” inako ziru Anutu tiparlup zin ma tiwe tamen.

16 Mbulu ki Anutu ta iurur leleene piti na, iti tikilaala mi tuurla kek.

Mbulu ki tuur leleende pizin tomtom, ina Anutu mbulu kini nonoono. Tana iti sombe tombotmbot la mbulu tana mi tototo, inako itiŋan Anutu taparlup ti ma tombotmbot. ✧

17 Naso mbulu kini tana imbol pa leleende, mi indeeŋe nol biibi tabe Anutu itiiri iti pa mbulu kiti i, inako tomoto som, mi temender la kereene uunu raama leleende ambai. Paso, indeeŋe ta tombotmbot su toono na, takamam mbulu ki Krisi. ✧

18 Sombe tomtom sa ikilaala kat Anutu mbulu kini ta iurur leleene piti tomtom, inako imoto i

✧ **4:11:** Mt 18:33; Yo 15:12+ ✧ **4:12:** Yo 1:18; 1Tim 6:16 ✧ **4:13:** 2Kor 1:22 ✧ **4:16:** 1Kor 13:13 ✧ **4:17:** Yems 2:13; 1Yo 2:28, 3:19+

mini som. Pa motoŋana uunu imbot la ŋgar kiti tau toso Anutu ko iur kadoono sananŋana piti. Mi sombe tomtom sa imototo Anutu men, ina iswe kembei mbulu ki Anutu tau iurur leleene piti tomtom, ina imbol pa tomtom tana leleene zen.

¹⁹ Anutu, ni iur leleene piti muŋgu, tanata iti tu'urur leleende pini mi zin tomtom.

²⁰ Tana sombe tomtom sa iso ni iurur leleene pa Anutu, mi tamen iurur koi pizin toŋmatiziŋ ta ki Kriŋi i, na ni ipakaam. Pa zin toŋmatiziŋ kini tana na, ni ire kat zin. Tamen Anutu na, tomtom sa irao ire kati som. Tana sombe tomtom sa iurur leleene pizin tomtom som, na ni iurur leleene pa Anutu som tomini.

²¹ Tanata Kriŋi ikam tutu tiŋgi piti: Tomtom ta sombe iur leleene pa Anutu, na bela iur leleene pizin toŋmatiziŋ kini ta ki Kriŋi i tomini. ☆

5

Tikiskis urlaŋana kiti, to tilip pa toono mburaana

¹ Tomtom ta so iurla ki Yesu kembei ni Mesia, na ni Anutu ikami ma iwe popoŋana mi iwe ni lutuunu kek. Mi tomtom ta sombe iur leleene pa Tamanda Anutu, inako iur leleene pa Anutu lutuunu bizin tomini. ☆

² Mi iti tuute: Zaala tabe tuur leleende pa Anutu lutuunu bizin, ina ta kembei: Tuur leleende pa Anutu mi tototo tutu kini.

³ Pa zaala tabe tuur leleende pa Anutu i, ina ta kembei: Matanda iŋgalŋgal tutu kini mi tototo. Mi tutu kini tana ipata piti som. ☆

☆ **4:21:** Mt 22:39; Yo 13:34+; Ep 5:2; 1Tes 4:9 ☆ **5:1:** Yo 1:12+

☆ **5:3:** Mt 11:30; Yo 14:15,21+

⁴ Pa koronj boozomen ta Anutu ipiyooto, inako ilip pa toono mburaana. Mi zaala tabe tilip pa toono mburaana na, imbot la urlaŋana kiti. ☆

⁵ Asinj ta iliip pa toono mburaana? Ina ni ta iurla kembei Yesu, ni Anutu Lutuunu ŋonoono. ☆

Mbulu pakan ta iswe kembei Yesu ni Anutu Lutuunu

⁶ Yesu Kriŋi, ni isu toono ma iwe tomtom, ikam yok, mi siŋiini ireere ma imeete. Tana ikam yok men som. Ikam yok, mi siŋiini ireere ma imeete. Mi Bubunjana ta ipombolmbol ti be tuurla kini. Paso, Bubunjana, ni izzo sua ŋonoono men.

⁷ Tana koronj tel ta tipombolmbol ti be tuurla ki Yesu, ina ta kembei:

⁸ Bubunjana Potomjana, mbulu tau ipet pa Yesu indeeŋe ni ikam yok, mi mbulu tau ipet pini indeeŋe siŋiini ireere ma imeete. Koronj tel tana, ta un tamen mi tipombol Yesu sua kini.

⁹ Sua ta tomtom tizzo be tipombol tomtom toro sua kini na, iti takanan la mi toso ina ŋonoono. Mi Anutu sua kini na, ilip pa tomtom sua kizin. Tana sua tau ni iso bekena ipombol Lutuunu sua kini, na iti irao takan la kat. ☆

¹⁰ Tomtom ta sombe iurla ki Anutu Lutuunu, inako iyamaana la leleene kembei koronj ta ni iurla, ina koronj ŋonoono. Mi sombe tomtom sa iurla kini som, ina ni ire Anutu kembei ni tomtom pakaamjana. Pa sua tau Anutu iso bekena ipombol Lutuunu sua kini na, tomtom tana iurla som. ☆

☆ **5:4:** Yo 16:33; Ep 6:16 ☆ **5:5:** Ro 8:37; 1Kor 15:57 ☆ **5:9:** Yo 5:32+, 8:17+ ☆ **5:10:** Ro 8:16

¹¹ Sua ta kembei: Mbotņana ki Anutu ta iseņge iseņge mi ila na, Anutu ikam piti kek. Mi itunu Lutuunu ta iwe zaala piti be takam mbotņana tana.
✧

¹² Tana tomtom ta sombe ziru Lutuunu tiparlup zin ma timbotmbot, na ni ikam mbotņana ta ki Anutu i kek. Mi tomtom ta sombe ziru Anutu Lutuunu tiparlup zin som, na ni ikam mbotņana ta ki Anutu i som. ✧

Mbulu ki suņņana

¹³ Sua boozomen taiņgi, nio aņbeede ima piom wal tau kuurla ki Anutu Lutuunu i bekena aņpombol yom ma kuute kat ta kembei: Niom kakam mbotņana ta ki Anutu i kek. ✧

¹⁴ Tana iti tomoto be tusuņ Anutu pa kosa sa pepe. Pa sombe tusuņi pa koron sa, mi koron tana irao pa ni leleene mi nņar kini, na ni ko ilen ti pa. ✧

¹⁵ Iti tuute: Anutu, ni ilenļen suņņana kiti to-tomen. Tana sombe tusuņi pa lende koron, na ni kola ikam piti.

¹⁶ Iti sombe tere tonmatizij kiti sa ikamam sanaana, mi tamen sanaana kini tana iyembut kati pa Anutu som, na lende uraata be tusuņ Anutu be iurpe i, mibe ikami ma imiili mini pa mbotņana ta ki Anutu i. Kokena imbotmbot ta kembei, to kaimer ila lene kat. Mi zin wal tau tipizil kat ndemen pa Krisi, mi lelen be tikiskis sanaana kizin, ina nio aņso kan sua som. Pa wal ta kembei na, len zaala sa mini som. Tana zin ko tila len. ✧

✧ **5:11:** Yo 1:4, 3:16, 17:3 ✧ **5:12:** Yo 3:36, 5:24 ✧ **5:13:** Yo 20:31 ✧ **5:14:** Yo 14:13, 16:23 ✧ **5:16:** Mt 12:31+; Ibr 6:4+, 10:26+

¹⁷ Nonoono, sanaana ta boozomen ipasaana iti pa Anutu mataana. Tamen sombe tomtom titooro zin mi tizem sanaana kizin na, zin ko tila len som. Ko timbot ambai.

Sua pemetjana

¹⁸ Iti tuute: Tomtom ta sombe Anutu ikami ma iwe popoŋana mi iwe ni lutuunu kek, nako irao inoknok sanaana kamjana mini som. Pa ni ta iyooto pa Anutu na, ko mataana pa tomtom tana. Tana Tomtom Sanaana ko irao be ikiskis tomtom tana na som. ✧

¹⁹ Mi iti tuute: Anutu ikam ti ma tewe lutuunu bizin kek. Mi tomtom boozomen ki toono ti, na som. Tomtom Sanaana ta ikamam peeze pizin. ✧

²⁰ Mi iti tuute ta kembei: Anutu Lutuunu imar isu toono, mi ipei ngar kiti beken a tuute kat Anutu ŋonoono mi tese kap la kini. Mi itinjan Lutuunu Yesu Krisi taparlup ti ma tewe tamen kek. Yesu, ni izzo sua ŋonoono men, mi ni Anutu ŋonoono, mi ni ta ikam mbotjana ki Anutu piti. ✧

²¹ O lutuŋan, motoyom ingal ituyom, mi kombot molo pizin merere pakaamjan. ✧

✧ **5:18:** Yo 17:15; 1Yo 3:9 ✧ **5:19:** Ga 1:4 ✧ **5:20:** Yo 17:3

✧ **5:21:** 1Kor 10:14; 2Kor 6:16

**Anutu Sua Kini Potomaxana
Genesis, Exodus, Ruth, Psalms, Proverbs, Jonah, and
The New Testament in the Mbula Language of Papua
New Guinea
Sampela hap Buk Baibel long tokples Mbula long
Niugini**

Copyright © 1996 The Bible Society of Papua New Guinea

Language: Mbula

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-08-31

PDF generated using Haiola and XeLaTeX on 18 Apr 2025 from source files dated 31 Aug 2023

a815c47a-4c36-5240-a396-70cbd5e9b593